


Posjeta Birou rada Visoko i tehnička procjena stručnjaka Projekta zapošljavanja mladih – YEP

Nakon potpisivanja memoranduma o saradnji, današnjim aktivnostima i zvanično je potvrđeno nastojanje Projekta zapošljavanja mladih – YEP i JUSZZ ZE-D0 Kantona da sinergijski djeluju na rješavanju problema nezaposlenosti. S tim ciljem, organizovana je zajednička posjeta tehničkog tim Projekta zapošljavanja mladih – YEP, direktora Službe g-dina Ante Pešića i rukovodioca Odsjeka za posredovanje u zapošljavanju g-dina Sehadeta Hadžića Birou rada Visoko. U sklopu ove posjete tim Projekta zapošljavanja mladih – YEP je, u saradnji sa predstavnicima službe i biroa, izvršio procjenu tehničkih aspekata te su razmatrana moguća tehničko-logistička unaprjeđenje biroa, prostorna prilagodba prostorija a sve kako bi se prethodno pomenute prakse mogle implementirati te osigurati adekvatniju podršku nezaposlenim licima.



Potpisan Memorandum o između JU Služba za zapošljavanje ZE-D0 kantona i Projekta zapošljavanja mladih (YEP) koji podržava Ambasada Švajcarske

Dana 14. decembra, 2017. godine, u Sarajevu je potpisan Memorandum o saradnji sa JU Službom za zapošljavanje Zeničko-dobojskog kantona, kojim je predviđena realizacija YEP Reformskog paketa. Ovaj Reformski paket je razvijen u sklopu Projekta zapošljavanja mladih (YEP), koji se realizuje uz podrške Vlade Švicarske. Pored promjene i prilagodbe

infrastrukture biroa ove službe, reformski paket uključuje i stručnu podršku koja će biti pružena uposlenicima službe a kako bi se adekvatno realizovale savjetodavne i menadžerske usluge u cilju brže integracije nezaposlenih lica na tržište rada. Procedure i prakse predviđene Reformskim paketom YEP prilagođene su praksama EU. Promjena infrastrukture biroa implicira stvaranje uslova za uvođenje razdvojenih evidentičarskih i savjetodavnih usluga, dok će se u konačnici stvoriti preduslovi za pružanje kvalitetnije cjelokupne usluge za krajnje korisnike – nezaposlena lica. Memorandum o saradnji su potpisali, ispred Projekta zapošljavanje mladih – YEP, dr Ranko Markuš i gospodin Anto Pešić, direktor Službe za zapošljavanje ZE-D0 Kantona.



